

C A I B. II.

ma's nighean a bhios ann, bithidh si beo.

17 Ach bha eagal Dé air na mnaibh-glùine; agus cha d'rinn iad mar a dh'aithn rìgh na h-Eiphit dhoibh, ach ghleidh iad a' chlann mhaic beo.

18 Agus ghairm rìgh na h-Eiphit air na mnaibh-glùine; agus thubhairt e riu; C'ar fòn a rinn sibh an ni so; agus a ghleidh sibh a' chlann mhaic beo?

19 Agus thubhairt na mnàighlùine re Pharaoh, A chionn nach 'eil na mnàigh Eabhuidheach mar na mnàigh Eiphiteach: oir tha iad féin beothail^a, agus air an aisead mu'n d'thig na mnàighlùine a steach d'an ionnfuidh.

20 Uime sin bhuin Dia gu math ris na mnaibh-glùine: agus rinneadh an sluagh lionmhor, agus dh'fhàs iad ro-chumhachdach.

21 Agus a chionn gu'n robh eagal Dé air na mnaibh-glùine, rinn e tighean dhoibh.

22 Agus thug Pharaoh àithne^b d'a shluagh uile, ag ràdh, Gach mac a bheirear tilgidh sibh 'san abhainn, agus gach nighean gleidhidh sibh beo.

C A I B. II.

A GUS chaidh duine do thigh Lebhi, agus ghabh e nighean do Lebhi 'na mnaoi.

2 Agus dh'fhàs a' bhean torrach, agus rug i mac: agus an uair a chunnaic i gu'n robh e 'na leanabh tlachdmhor, dh'fholaich i e rè thri mìosa.

3 Agus an uair nach b'urrainn i fhòlach ni b'fhaide, ghabh i dha cobhan cuilce^c, agus chuir i thairis^d e le làthaich agus le

pic^e, agus chuir i 'n leanabh ann; agus chuir i e 'fa' chuile aig bruaich na h-aibhne.

4 Agus sheas a phiuthar am fad uaith, a dh'fhaicinn ciod a dheanta ris.

5 Agus thàinig nighean Pharaoh a nuas g'a nigheadh féin 'san abhainn, agus bha a maighdeana 'g imeachd re taobh na h-aibhne; agus an uair a chunnaic i'n cobhan 'am measg na cuilce, chuir i a ban-oglach g'a thoirt d'a h-ionnfuidh.

6 Agus an uair a dh'fhosgail i e, chunnaic i 'n leanabh: agus feuch, ghul an naoidhean. Agus ghabh i truas ris, agus thubhairt i, Is ann so do chloinn nan Eabhuidheach.

7 'An sin thubhairt a phiuthar re nighean Pharaoh, An d'théid mis', agus an gairm mi dhuit banaltrum do na mnaibh Eabhuidheach, a chum as gu'n altrum i'n leanabh dhuit?

8 Agus thubhairt nighean Pharaoh ria, Falbh. Agus chaidh a' mhaighdean, agus ghairm i màthair an leinibh.

9 Agus thubhairt nighean Pharaoh ria, Thoir an leanabh so leat, agus altrum dhomhsa e, agus bheir mi dhuit do thuarasdal. Agus ghabh a' bhean an leanabh, agus dh'altrum i e.

10 Agus dh'fhàs an leanabh, agus thug i e dh'ionnfuidh nighean Pharaoh, agus bha e 'na mhaic dh'i. Agus thug i Maois mar ainm air: agus thubhairt i, A chionn as an uisge gu'n do tharruing mi mach e.

11 Agus tharladh anns na laithibh sin, an uair a dh'fhàs Maois suas, gu'n deachaidh e mach

^a tèoma. ^b sparradh. ^c ciste luacharach. ^d dhòmhaich, shliob, spairt i.